

Chhuah fan: Oct., 1984

MARCH, 2019

RAMTHAR



Mi thlarau hruai ila,
Kan lâwm zêl ang.
KHB 586



Synod Dialogue Team member-te

SERMON

Chanchin Tha hril leh a chhinchhiahna...phêk 7 - 13

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2019 - 2020

Editor	: Rev. Thangzauva	9612950043 (M)
Joint Editors	: Dr. Robert S. Halliday	9862374232 (M)
	Upa Zoramthanga	9436362385 (M)
	Pi C. Lalrampari	9436190803 (M)
News Editor	: Upa Lalbiakênga Fanai	9436366234 (M)
Cir. Manager	: Pu Lallawmnakima Hmar	8794905993 (M)
Publisher	: Rev. C. Zorammawia	8731071642 (M)

[Office hum chhúngin biak ni thei se]

Member-te

Rev. R. Lalhmingthanga	: Synod Moderator
Rev. R. Vanlalnghaka	: Synod Secretary (Sr.)
Rev. K. Lalrinmawia	: Executive Secy., i/c Mission
Upa Dr. Lalnundanga	: BEC Member
Upa K. Lalthakima	: BEC Member

Thu chhuah tûr nei chuan Email - ramtharchanchinbu@gmail.com-ah emaw
lehlam chauhvah ziakin Editor emaw Cir. Manager, Ramthar Chanchin bu,
Synod Office, Aizawl, Mizoram (India) hnênah emaw thawn tûr a ni e.

Ramthar Chanchinbua thu chhuah hi a ziaktu mawhpurhna a ni.

SYNOD MISSION BOARD HOTUTE:

Rev. K. Lalrinmawia	Executive Secretary	9485140409
Rev. C. Zorammawia	Secretary	8731071642
Dr. Robert S. Halliday	Coordinator	9862374232

KUM KHAT LÂK MAN - ₹ 60/-

A CHHÛNGA THU AWMTE

1. Editor thukhawchâng	- 1
2. Keimahni	- 2
3. Field Chanchin Thar	- 3-4
4. Ramthar Hluttute Huang	- 5-6
5. Sermon	- 7-13
6. BUH HMUN AṬANGIN:	- 14-22
(1) Rohmingthangi Memorial School Gospel...	
(2) Synod Dialogue Team rawngbâwlina	
(3) Lalpa hnathawh a lang	
7. Ramthar Feh	- 23-31
8. Missionary-te tána RAMTHAR lâksaktute	- 32

PATHIAN HI

Mihringte hi Pathian kan hriat dànin kan nun a kaihruai a, kan nunah kan òhzia dàn a lang a, a rawng kan bàwl dànah kan ngaih pawimawh dàn a lang. Pathian hmíng hi sawi dàn hrang hrang a awm – *El, Elohim, Yaweh, Yahua, Adonai*, etc. Pu Zosâphluia ten Bible an lehlin laiin Sâp òawnga ‘God’ chu – *Pu Vana, Khuanu, Khuawang, Pathian, Jehova, Jihova* tia rawtna te a awm a. Chùng zíngah chuan Durtlang Lal M. Suaka, Pu Zosâpthara te puitute zínga mi rawtna, ‘*Pathian*’ tih chu hman a ni ta zêla sawi a ni. Mosia hnênah, “*AWMA KA NI*,” (Exo 3:14) a ti a. Nunna petu (Gen 2:7), Pathian nung a ni.

Pathian chu Engkimtithi a ni. Lei leh vãn leh a chhúnga awm zawng zawng Siamtu, thil siam leh a Fapa hmanga inpuang òhin a ni. Chuti chung pawhin mi â chuan, ‘*Pathian rêng rêng a awm lo*,’ a la ti ta cheu a (Sam 53:1).

Engkim hmutu a ni. A zàwlneite pawh ‘*hmutheitu*’ tih an ni (1 Sam 9:9). Thim-a thiltih pawh êngah a la lantír vek dáwn. ‘*Vãn ka thutphah, lei ka ke ngbahchhan*,’ titu a ni.

Engkim hria a ni. Kan ngaihtuah, kan sawi leh kan thiltih zawng zawng hi a hre vek. Lalberte Lalber a ni. Hnamte tung dinga, an chung a roréltu, lalte pawh sawn bova, hnam dáwmte chawimawitu a ni.

Pathian chu a thu-ah a awm tlat a, a duh zàwng chauh a ti òhin. A thu a phelh mai mai ngai lo va, a sai ngur mai a ni. Tihtauh khum chi a ni lo. A lama òan mai a fuh ber. A mizia lah a thianghlim a, nêl sual a hlauhawm. Mi dik, khawngaihnaa khat, hmangaih Pathian, thikthuchhia – pate khawlohna avànga fate hrem òhin, phuba lál leh thungrullh hawtu, amah aia lál zâwk tum – pathian dang rêng rêng ngaithei lo; Pathian fing - a ze mila biak ngai a ni.

Pathian chu òiha, a thu pêk vawn chu mi zawng zawng tih tùr a ni. Kan duh dàn tihlawhtlinga, kan òanfung sawh ngheh nána a hmíng lam mai mai a phal lo. Hun tàwpa mi zawng zawng rorèlsaktu tùr a ni. Khùp tinréng a hmaah an la òhingthi ang a, lei tinréng an la inpuang dáwn. ‘*Lalpa, Lalpa*,’ ti nazawng vãnramah an lút dáwn lo. A duh zàwng titute an lút ang. Engkim bul leh tàwp a nihzia a la lang dáwn. ‘*Ngawi ula, Pathian ka ni tih hre rawh u*,’ a tih dikna a lang fiah tawh ang. Chuvàngin, amah chauh hi pawisaka, thlarau leh tih tak zeta biak tùr a ni (Jn 4:24).



KEIMAHNI

† **TUARPUINA:** Pu C. Rongenga (81), Khatla, Pu Lalringliana, ET Hamren (Karbi Anglong Mission Field) pa chu ni 12.2.2019 khân thaw-hah avàngina thi.

SMB-in lusún chhúngte a tuarpui tak zet a ni. Lalpan awmpuiin thlamuan rawh se.

† **SMB SERVICE MANUAL PAWM FEL:** Synod Mission Board Service Manual 2016 en̄thatna chu Synod (SEC 273:45)-in a pawm fel a. A bua tihchhuah niin, SMB hnuaia thawktute tán lâk theih a ni.

† **HEADQUARTERS STAFF THAR:** Pu K. Lalrammawia, Masihi Sangati Kendra, Bawngkawn chuan SMB Pisapuiah February 2018 aṭangin a hna a zawm.

† **MISSIONARY TIR CHHUAH:** SMB Missionary lâk thar mi 86-te pualin ni 3 February, 2019 (Pathianni) chawhnuah Dawrpui Kohhranah Tihchhuah inkhâwm neih a ni. He hunah hian Rev. C. Zorammawia, Secretary, SMB-in inkhâwm kaihruaiin, Dr. Robert S. Halliday, Coordinator, SMB-in tih chhuah tûrte inhmêlhriattîrna a nei a, Synod Moderator, Rev. R. Lalhmingthangan tihchhuahna hun hmangin thuchah a sawi bawk. Rev. K. Lalrinmawia, ES i/c Mission-in ṭawngṭaisakna hun a hmang a; zaipawl pathum - Synod Choir, Synod Mission Choir leh Dawrpui Bial Zaipawl te an zai bawk.

† **MISSIONARY RETREAT KUMINAH:** Kum 2019 hi Home Mission North, Home Mission South leh Cachar Tlangram (Barak Area)-a thawktute puala Missionary Retreat neih hun tûr a ni a. A hun leh a hmun tûr erawh BEC la rêl tûr a ni.

† **SMB PROJECT LIST:** Mission Field-a mamawh hrang hrang târ lanna - Project List 2019 chu Synod Office aṭanga lam theih tûrin peih a lo ni leh ta a. Mi inphal leh inpete, Kohhran leh Pawl hrang hrangten nghâkhlel takin Project List hi an lo chang ṭhîn. Synod Ramthar Facebook Group-ah (pdf-in) dah a ni bawk.

[Phêk 13-ah chhunzawm...]
www.mizoramynod.org

FIELD CHANCHIN THAR

HOME MISSION NORTH

Bul ṭanna: Home Mission North (HM ‘N’) rawngbàwlina hi kan Mission Field zínga upa ber niin, kum 1949 a hawn a ni. Mission Field dangte ang lovin, Synod Mission Board Headquarters aṭangin enkawl mai ṭhin a ni.

Rawngbàwlina hnam: HM ‘N’-a kan rawngbàwlina hnamte hi Bru leh Chakma an ni a. Bru zínga rawngbàwlina hian hma a sâwn chak hle a, tûnah chuan a tam zâwk ringtu an lo ni ta a. Ringlo beih tûr an tam ta lo deuh a ni. Kohhran puitlingte pawh kan nei tawh a. Upa leh Tual upa pawh kan nei ve ta nual a, Pastor thleng pawhin kan lo nei chho ve ta.

Chakma lama kan rawngbàwlina erawh hi chuan hma a sâwn chak lo hle a. Chakma-te hi sakhaw zui mumal tak nei sa, Buddhist sakhaw zui tute an ni ber a. Pathian thu hrilh an harsain, an ngaihsak lo hle. An sakhaw hruaitute hian Kristiana an inleh mai loh nân theih tâwpin an mite zíngah ṭan an la ve reng a, Kristiana inleh chu hnam phatsanna hialah an ngaih avângin Chanchin Ṭha an hriat hnu pawhin Kristian a inleh chu an harsat hle a ni. Chutih rualin, Chakma zíngah pawh Kohhran puitling kan nei ve tawh a, Pastor, Upa leh Tual Upa te pawh kan nei ve nual tawh baw.

Ringthar: HM ‘N’ hi kan sawi tâk angin *field* upa ber a nih avângin hmun tam takah ringlo an neih chhunte hi a ruh zualte an niin, ringthar neih a awlsam ta lo hle. Kum kal ta (2018) chhúng pawhin ringthar baptisma chang 47 chauh kan nei. Ringtharte rinnaa sawh ngheh leh mumal zâwka kal tûrin hma lâkpui an ngaih êm avângin kan thawktute pawhin theih tâwpin kohhran sawh ngheh lam pawh hna pui ah an nei baw.

Harsatna lam: Kan rawngbàwltuten theih tâwpa ṭan an lâk laiin kan Mizo hnam nèn hnam *issue* leh

foreigner issue avàngte in intihbuai chang a awm ve fova. Hei hian rawngbàwlna kawngah harsatna a siam ve fo a ni. Kum 1997-a Bru-ho an tlanchhiat chiam avàng khán hmun eng emaw zàtah rawngbàwlnain a òuanawp phah baw k a ni.

Bru Baptist Church (BBC) leh Chakma Baptist Church (CBC) tiin an hnam hming chawiin Kohhran unau òhenkhaten Kohhran an rawn dinsak a. An hnam hming pu a din a nih avàngin mi tam takin Kohhran changchawiin hnam rilru chaw k tho zàwngin min bei baw k nèn, kohhran ram lākna remchàngah hmangin kan ringtu neihsa tam tak an la peng a. Tùn hmaa kan hriat ngai loh, kan rawngbàwlnate hnam zingah kohhran innèkna a lo awm phah a, a paw i tak zet a ni.

Kan hriat tùra pawimawh: Home Mission rawngbàwlna hi tùnhma angin Kohhranho hian kan tuipuiin kan ngaihven tâw k ta lo deuh niin a lang a. Hnam *issue* thil leh *foreigner issue* avàngin kan rilruah an tla na ta lo deuh paw h a ni mai thei. Mi òhenkhat, 'Home Mission hi chu chhuahsan vek taw h mai ila,' ti tâw k lah bo lo. Mahse kan rawngbàwlna hi a la zo lo, a la puitling lo; puitling tùrin hma lam a pan òan ve dawn chauh va, dawmkan an ngai a, ngaihsak an ngai. Kan rawngbàwltute paw h hi tùnhma angin an rawngbàwlna a awlsam taw h lo va, òanpui leh ngaihsak hi an ngai êm êm a ni. Kan rilruin a lo thlawh khûmin Mizoram páwn lam *field* kan lo veisan deuh taw h a nih paw hin, an rawngbàwlna hi Mizoram pawn lam aiin a awlsam chuang lova, òanpui an ngaih dân hi a inang reng tih hi hre thar leh ila. Sum leh pai, tha leh hmanrua leh òawngtāin òan i la thar leh teh ang u. Mizoram kristian 100% kan nih theihna tùr dāltu lian tak zinga mi an ni tih hriain HM 'N' rawngbàwlna hi ngawrh leh zuala bei tláng tùrin chhiartu zawng zawng te kan inngen a ni.

Lalbiaknunga, Mission Promoter
Synod Office. Aizawl (Mobile: 9435660844)

RAMTHAR HLUTTUTE HUANG

H. Changliana
Khatla South, Aizawl

Ramthar Chanchinbu hi ka lo chhiar zêl a, ka tuiipuiin ka hlut hle. He chanchinbu ka lâk kum chiah ka hre tawh lo va, a tlêm berah kum 30 chu a ni ngei tawhin ka hria.

He Ramthar Chanchinbu lo thlen hlân hi ka nghâkhlel hle thîn a. A lo thlenga, min rawn pêk hian châng dang kân lovin ka chhiar chhuak vek thîn. Ngaihnawm ka ti thei êm êm a, a châng chuan ka chhiar nawn fo thîn. Tin, a chhûnga thu ziak, Missionary-ten an thawhna chanchin leh an rawngbâwlina an han sawi – ringthar chanchin leh ramhuai zawl an hnawh chhuah chungchâng chi hrang hrang te hi a ropui ka ti hle thîn. Pathian hnathawh ropuizia te hian min tiphûr hle thîn a ni. A tûl ang angte hi ka chhinchhiaa a, zing tawngtâiaa te, Inrinni zân tawngtâi inkhâwmah te hian ka thawh thîn a ni.

Missionary-te tân hian ka tawngtâi reng bawk a. An rawnbâwlina hmun hrang hranga kan Synod hma lâknate hi ngaihnawm ka lo ti êm êm thîn. Hun rei tak aţang khan ka rawn ziak ve dâwn em ni ka ti thîn a; mahse tûn hi ka thleng ta a ni. He rawngbâwlinaah hian ka tui ve zâwng a nih avng hian Kohhranin Work Camp tùr an puan te hian ka kal ve thîn. Kohhran tirhin vawi riat lai ka chhuak ve a, ka nun a tihlim êm êm zâwk thîn a ni.

Private-in Pu H. Zamliana nèn khan Barak Area khu kan fang kual deuh vek tawh a. Mary Winchester hmun te, Jugicherra te, Hailakandi te, Karimganj te leh Jiribam te ka lo tlawh nual tawh a. Rev. Lalsawman Pipla Independent Kohhran kan Presbyterian-a a lâwm luh (1996) te khan ka tel ve a. Pathian khawngaihna azâra hmun tam tak kal theia ka awm avângin Lalpa ropui ber rawh se!

Kohran aţang hian Arunachal East – Khasan leh Chanlang-ah te ka kal a; Tripura (Tuidu) leh Karbi Anglong-ah te pawh ka lo kal ve tawh avâng hian he chanchinbu hi chhiar manhla ka tih bâkah a bengvârlhâk êm êm a. Kan Pathian hnathawh ropuizia hi a lo lang thîn a ni.

Hêng kan Synod Ramthar rawngbâwlina chanchin han hriat hi a bengvârlhâk bâkah kan rinnate min tiharh thar zêltu a lo ni thîn. Nasa takin min pui thînin ka hria a, ka lâwm êm êm thîn.

Mahni chanchin tlém sawi ila: Sipaiah kum 27 service-in Havildar signal-in ka pension a. Ex-service quota-in MPRO-ah ka zawm leh a. Ka pension leh a. Tûnah mahni inah ka khawsa ve a, tûnah hian kum 90-na ka hmang mék a ni.

Kohhrana rawngbâwlina – kum 25 Sunday School zirtirtuah Diploma Certificate leh Holy Bible ka dawng ve a. Ka châwl tawh a; tûnah ka fapa leh a nupui nèn Khatla South Biak bulah kan khawsa mék a ni.

SYNOD MISSION BOARD THIL TUMTE:

- 1. Chanchin Tha hril (Evangelism).*
- 2. Kohhran phun (Church Planting).*
- 3. Kohhran enkawl (Pastoral Ministry).*

SERMON**CHANCHIN ṬHA HRIL LEH A CHHINCHHIAHNA***Chhiar tùr: Marka 16:15-20; 2 Kor 10:4*

*Rev. Lalchungnunga, Director
Campus Ministry*

A vawi khatna atán kum 1891 March ni 15 Pathianni (kum 128 kal ta) khán Mizote hnênah Chanchin Ṭha hril a ni a. Welsh Missionary, Khasi rama thawk Rev. William Williams leh Khasi pakhat Aitken-a leh ṭhian dang pahnih ten Sairang bul, Kutbul lui chhuahah Mualvum mipa naupang kum 10-15 vêla upa mi pariat vêl emaw te hnênah Bible milem te semin, hla te an sa a, Pathian thu an sawi a, naupangte hian ngaihnaawm ti takin an ngaithla a, an zingah hian puitling luṭuak tawh pawh a tel ve a ni.

Tûnah chuan ‘Chanchin Ṭha’ tih thumal hi Mizote hian kan hre bel ta hle. Mahse Chanchin Ṭha chu eng chiah nge, eng nge a chhúngphùm chiah, eng tia dawn nge, eng tiang chiaha hril tùr nge, eng nge a nghawng chhuah, inrel-bàwlina lam nèn eng tianga inkungkaih nge, Kohhran enkawlina leh Chanchin Ṭha inlaichinna te, ram rorèlna nèna a inzawm dân te erawh kan ngaihtuah zui thui lo viau. He lam thu hi lo ngaihtuah ho ila:

1. Chanchin Ṭha hi eng nge ni?: Chanchin Ṭha

chu Isua Kristaa mihring hlui tihhlumna ṭâwmpuina, a taksa thi phùm bonaa phùm ve, a thawhlelna ropui ṭâwmpuina azára Pathian nèna inzawm lehna nunna thar, mihring chanchin chhia zawng zawnga Chanchin Ṭha làwmawm lo thleng, khawngaihnaa min chhandam thu, ‘rinnaa’ kan lo dawn hi a ni. Chanchin Ṭha leh a kaihhnawih kan hriat dân hian Chanchin Ṭha kan hril dân te, Kohhran kan chêt vêl dân te a nghawng vek avângin sawi chian deuh han tum ila.

Thuthlung Thar
 ziaktute chuan Chanchin
 Tha hi - Pathian Chanchin
 Tha (*Mk 1:14, Rom 1:1*),
 Krista Chanchin Tha (*Rom*
15:19; 1 Kor 9:12; 2 Kor
2:12), Pathian Fapa Isua
 Krista Chanchin Tha (*Mk*
1:1), Pathian ram Chanchin
 Tha (*Lk 4:43; 8:1*), Pathian
 ram Chanchin Tha leh Isua
 Krista hming Chanchin Tha
 (*Tirh 8:12*), Lalpa Isua
 Chanchin Tha (*Tirh 11:20;*
2 Thes 1:6; 2 Thes 1:10),
 Pathian khawngaihna
 Chanchin Tha (*Tirh 20:24*),
 Ram Chanchin Tha (*Mt*
4:23; 9:35; 24:14), Mi tin ta
 tûr Chanchin Tha làwm-
 awm (*Lk 2:10*), Thlamuanna
 Chanchin Tha Isua Krista
 káa hril (*Tirh 10:36*),
 Serhtante Chanchin Tha
 ...serhtan lohte Chanchin
 Tha (*Gal 2:7*), Remna
 Chanchin Tha (*Eph 2:17*),
 Chhandamna Chanchin
 Tha (*Eph 1:13*), Chatuana
 Chanchin Tha (*Thup 14:6*),
 Khawvêla thilsiam zawng
 zawng hnêna hril tûr
 Chanchin Tha (*Mk 16:15*),
 ti tein an sawi. Chanchin
 chhe nei tawh zawng zawng
 tán thu làwmawm, Chan-
 chin hlu leh tha a ni.

Eng vângin nge Mihring
 chanchin chu a lo chhiat
 tâka, Chanchin Tha chu
 mamawh ta nge kan nih le?
 Mihring hi Pathianin ama
 anpuin, ama aiawha, he
 khawvêla thil nung leh
 nung lote chung a thu neia,
 rorêlsak tûrin, a ropuina
 nasa tak nèn min thuamin
 min siam a. Pathian neih
 ang ‘a chhia a tha hriatna’,
 duh duh tih theihna
 ‘duhthlanna zalèn’ min pe
 a. Chu duh duh tih theihna
 zalènnah chuan Pathian
 ropuina kan zawmna, ama
 nunna kan tâwmna tih-
 chhiat theihna, ‘thihna
 kawng’ zawh theihna a
 awm avângin ‘Vaukhàнна’
 min pe bawk a. Mahse mi
 tinin keimahni duhthu
 ngeia ‘Pathian Dàn’ chu
 bawhchhia a, thihna kawng
 chu kan thlan tâk avângin,
 Pathian nun ropui kan
 tâwmna ata kan thi ta a,
 ‘thihna’ chuan min fan
 chhuak ta vek a ni (*Rom*
3:23; 5:12).

He thihna kawng hi a
 tir aţang rêngin kan zawh
 ang tih Pathianin a hlauh
 kha a ni a. Pathian rorêlna
 dikah chuan Thihna chu

thihna a ni mai a, pumpelhna dang a awm lo. Nunna kawng chu Cherub leh mei khandaihin a veng tlat a, thihna pumpelh theih a ni lo. Pathian Chatuan Dân chuan thu a zûk thei lo. Johana chuan tu ma phelh theih loh, ‘*chhinchhiahna pasariha chhinchhiah tlat*’ a ti (Thup 5:1). ‘*Thisen chhuah lovin ngaihdamna rêng a awm lo*’ (Heb 9:22). Mahse Pathian hmangaih-na, ‘*Zahngaihna Thutphah chung lam thuchhuak*’ (Exo 25:22) chuan mihring thih aia ran hmelhem lo, sawisel bo thih chu ni tin sual avànga kan thih aiah, a tak lo la lang tùr entír nán, a lo pawm ta a. Dân hmangin ‘*Thuthlung Hlui Chanchin Tha*’ chu Pathian ‘*zahngaih-na*’ chuan a lo siam a. Mahse ‘*chûngte chuan chhia leh tha hriatna kawngah chuan a betu chu a tifamkim thei lo*’ (Heb 9:9). Thianghlimna lovin tu man Lalpa an hmu thei lo (Heb 12:14).

Nimahsela, Krista chu kan chatuan tlanna átán, kelte leh bawng note thisen vâng ni lovin, ama thisen

vâng zâwkin Hmun Thianghlimah chuan vawi khatah a lo lut tlingtla ta nghal a. Pathian hnêna Krista inhlanna thisen chuan Pathian nung rawng-báwl tùrin kan chhia leh tha hriatna chu thiltih thite lakah chuan a tithianghlim ta (Heb 9:11-14). Chu Thianghlimna chuan mihring chu Pathian a zawmtír leh ta. Chu chu a ni Chanchin Tha, Pathian khawngaihna avàng liau liauva min chhandamna thu tak chu. Chu thihna leh thawhlehnna hmanga simna, tithianghlimna, damna, saltáng chhuahna, inremna, thlamuanna Chanchin Tha chu a ni mi zawng zawng hnêna hril tùr chu.

2. Chanchin Tha chu eng tia dawn tùr nge?:

Chanchin Tha Pathianin min buatsaihsaknaah hian kan thu a awm ve lo va, kan phuna emaw, thil tih that a awm lo va, kan rinna avànga min siamsak pawh a ni lo. Kan sual vâng leh phu miah lo, chatuana nun ngaihna awm miah lo tán, a khawngaihna liau liauva min buatsaihsak a ni.

Amaherawhchu, chu khawngaihna thil ropui chu min barh lui lo va, kan hriat loh lain a rûkin min pe lo va, kan duhthlanna ngeia Isua hmanga min thawhsak zawng zawng chu ‘ringa’ kan lo pawm tlat a ngai a ni. Mi thahnemngaiten, “*I nih ang ang leh i awm ang ang khân Lalpan a chhandam che,*” an ti thin.

Mahse a dik tâwk lo.

Kan nih ang ang ni lovin, kan sual zawng zawng, chaponate, hlémhlêtna te, vêrthêrna te, hursualna te, ruih luih tlatna te, etc kha Isuaah a tihhlum veka, nunna thar a pêk chu ringa, nun thara nun zuina chu rinna chu a ni. Isuaa Pathianin a hnên thlenna kawng a siam chauh hi Chhandamna, Chanchin Tha chu a ni. Kraws thihna leh sual tel lo Thawhleha lo rin tak takna lo hi chu Chanchin Tha dang rêng rêng a awm lo (Gal 1:8-9).

3. Chanchin Tha dawngtu apiangten an hril darh thin: Khawngaihna Chanchin Tha dawngtute chuan an ngawihpui reng

thei lo va, mi dangin hre ve se, nun ropui nei ve se an ti a, an sawi lo thei lo (Tirh 4:20). Boral mékten chhandam an nih theih nân Lalpa ringa a hming lamtu an nih a ngai a. Chanchin Tha funin a ken tel tlat - hriat, rin, hriltu, tirtu an awm thap a ngai (Rom 10:14-15).

4. Chanchin Tha hril leh a chhinchhiahna:

Chanchin Tha neitu hian Chanchin Tha hi hlu an ti khawp a, a hre lo leh chang ve lo an awm ang tih a hlau hle. Hmaih nei miah lovin hmun tinah, khawvêl zawng zawngah leh mihring chauh ni lo thilsiam zawng zawng hnênah, a ring apiang chhandama an awmna tùr leh a ring duh lo te thiam loh chantir nân, hril tùr a ni. (Mk 16:15-16). Thilsiam dang hnêna hril dân chu - engkim anmahni chi awm dân tùr ang theuhva awmtira, duat taka enkawl leh leilung dân vawn that te a ni.

Pathian Chanchin Tha ngei a ni tih chhinchhiah nân leh a hriltute pawh Pathian tirh ngei an nih

lantír nán, mihring harsat-na hrang hrang laka chhanchhuahna, tihdamna thlen tír tùrin thu pèk kan ni. Isuan Baptistu Johana mi tírh a chhànnah khán, kebai leh bengawng tihdam sawi belhin, chung chu amah Messia a nih tár langtuah a hmang (Mt 11:4-6). Hèng chhinchhiahna te hi ring lo mi zíngah an chanchin sawi chu a dik ngei a ni tih nemngheh nán hmang thín tùrin thu a pe a ni. Amaherawhchu hèng chhinchhiahnate hi ring tawhte (Kohhranho) zíngah chuan hmanrua ber a ni lo. Ngui leh rin tlém te tihngheh nán, rawngbáwl-tute tihharh nán a cháng chángin a thlentír thín. *Tichuan anni chu an kal chhuak a, ram tinah thu an hril ta a, Lalpan anmahni a thawhpui a, a zuitu chhinchhiahnate chuanin thu chu a tinghet zêl a.*

Chanchin Thā leh Pathian ram chu thil inzawm tlat a ni a, Pathian ramah chuan riangvaiten hmangaihtu an nei a, saltángte chhuah an ni a, tihduhdah tuarte chhuah

zalen an ni. Chutiang tak chuan Chanchin Thā hrilna apiangah thlentír tùr a ni (Lk 4:18-20).

5. Chanchin Thā rah chhuah Kohhran leh ram rorèlna fel:

Mi thenkhatin Kohhran ngelnghet tak leh Biak In lian te din hi tûl an ti lo va, Kohhran tiak tír anga ina inkhâwm (Home Church) mai hi tâwkin an sawi thín. Sadhu Sunder Singh-a kha kristian tha tak, thuhriltu ropui tak a ni a. Mahse Kohhran zawm leh belh a nei lo va, a thih rualin a rawngbâwl na pawh a tâwp ve mai a ni. Kohhranhovin a chanchin sawi lo phei ila, tu man an hre tawh lo vang.

Jerusalem-ah Thlarau Thianghlim a lo thlena ringtu an lo pun khán, a nghawng chhuah hmasa ber chu inrelbâwl fel tûlna a ni. Ni tin mamawh te, thu rem fel tùr, zirtirna dik leh dik lo thliar fel, Juda dân hlui zawm zêl tùr leh tùr loh chi thliar fel, rawngbâwltu mawhphurhna hrang hrang ruat te a lo tûl ta a. Mi pakhat mai sawi fel chi

a ni ta lo va, Jerusalem Inkhâwmpui an ko ta a, rawngbâwl dân tam tak a lo piang chhuak ta a ni.

Ringtu hmasa chu puitling an ni a, hun a lo kal a, Kohhranah nau piang an lo awm thar zêl a. Chûng mite enkawl leh an hnêna Chanchin Ṭha hril zêl a ṭul a. Tin, puitling ringtute pawh ṭanpui, tihchak, zirtîr an ngai reng a, kohhran chhúngkua-ah Chanchin Ṭha báng lova hril chhun-zawm a ngai reng. Chutih laiin, la hre lo ram chhúng leh páwna mite hnênah nasa fêa beihpui thlâk reng a ngai bawk a. Jentailte enkawl dân tûr, *Mission Policy* duan fel te a ngai ta zêl a ni.

Chanchin Ṭha chuan khawvêl a tidanglam ta zêl: Pathian ram Chanchin Ṭha a nih miao avângin, a hria apiang te nun a tidanglam chho zêl a. Thil ngaihhlut zawng leh nunphunga a siam ṭhain a ti hmasâwn zêl a. Zirna leh zir tûr *subject* a zauh tawlh tawlh a, tûnlai *modern science* hi a lo hring chhuak ta a. Paula sawi

angin Chanchin Ṭha chuan khawvêl hnuk sawi dang-lamin khawl thil lamah hmasâwnna a lo thleng a, khawvêl ram hrang hrang nun phunga inher danglam ta hial a ni (2 Kor 10:4). Khawvêl hun bi (Calendar) pawh Isuaah a vir vêl ta a ni. Ram rorêlna thlengin Pathian ram thlenna ram chu nun a nuamin, mihring khawsak phung pawh a changkang zêl a, mihring nun a zalên bîk.

Vântlang nun zirtu (Sociologist) lâk tak Max Weber-a pheih chuan khawvêlah hian kristian ram chu hmasâwn leh changkang bikin a sawi a, kristian zingah rau rau pawh Calvin a zirtîrna zuitute an la kang zêl niin a sawi. Kan Chanchin Ṭha hrilnaah hian Paula zirtîrna – ‘mahni intodelh’, ‘mahni thawh-chhuah chaw ei te’, ‘rîm taka mahni kut ngei hmanga thawh te’, ‘thawk peih loh chuan ei pawh ei suh se’, a tih te hian a laimu lum luah zêl se, Pathian ram Chanchin Ṭha hi a hlu zual zêl ang.

Kohhran a lo ̣hang lian a, inrêlbâwl̄na buaithlâk tak taka inhmanna tûr a tam mék lai hian, **Kohhran hna pui leh a din chhan chu Chanchin ̣ha hril a ni reng** tih kan hriat reng a ̣ûl. Ring lo mi (ram páwn) kan vei ang tho hian, ring tawhte (Kohhran chhúng-ah) Chanchin ̣ha hril kan vei ngei tûr a ni. A khen marna tinghet lova Puan in kan zauh vak chuan a tlusawp mai dawn a ni. Kan Lalpa Isuan rawngbâwl̄naa a ngaih pawimawh hi kan ngai pawimawh hmasa ve ngei ngei tûr a ni bawk. Chuti lo chuan kan rawngbâwl̄na a nung thei lo vang. Mi harsa, natna tuar,

rethei, ̣anpui ngai, dâwm ngaite tán Kohhran hi Chanchin ̣ha kengtu a ni reng tûr a ni.

“Chu mi hunah chuan Lalber chuan a ding lama mite hnênah chuan, ‘Ka pa voh bîkte u, lo kal ula khawvêl siam ̣antirh ata in tâna ram buatsaih chu chang rawh u; ka ril a ̣âmin nangnin ei tûr mi pe a; ka tui a hàlin in tûr mi pe a; mikhual ka nihin mi thleng a; saruak ka nihin puan mi sintîr a; ka dam lohvin mi kan a; tàn ina ka awmin ka hnênah in lo kal si a,” a la ti ang” (Mt 25:34-36). AMEN.

KEIMAHNI [*Phêk 2-na chhunzawmna...*]

† **MISSIONARY NURSE-TE TRAINING:** Mizoram Nursing Council chuan Ministry of Health & Family Welfare (Nursing), Government of India bultumin ‘*Development of Nursing Services*’ scheme hnuaiah Nurse-te tán In-service Training a buatsaih mék a. He Training hi January 16, 2019 ạtanga kalpui a ni a. Batch thum zo tawhin SMB Missionary, mi 66-ten an chhim tawh a ni.

Indian Nursing Council thu angin Nursing Council hnuaia Nurse leh ANM/Health Worker inziak lût zawng zawngten kum nga dana an *registration* an tihthar leh hmain 150 *credits* an neih a ngai tawh a. He *credit* nei tûr hian kum nga chhúngin *ttraining* dârkâr 150 an neih a ngai tawh a ni.

BUH HMUN AṬANGIN ROHMINGTHANGI MEMORIAL SCHOOL GOSPEL WEEK 2018 REPORT

*K. Lalchhanhimi, ET
RTMS Rajiv Nagar*

Kan Zoram boruak inlûmlet zêl leh Chakma Issue-te kan ramin a buaipui ṭhîn kárah Rohmingthangi Memorial School, Rajiv Nagar-in kum 2018 Gospel Week hmanga Pathian hnathawh kan hmuh leh dawnte tlém azáwng han tár lang ve ila.

Rajiv Nagar khua hi tam tak chuan kan hre lêm lo mai thei. Zoram hmarthlang lam, Bangladesh leh Tripura State inrî-na bula awm niin, tûn hmaa Tuipuibari – II kan tih ṭhîn kha a ni. Chakma hlang awmna khaw lian ve tak, in 1,000 vêl niin, Buddhist sakhaw betute an ni.

RTMS hi kan Mizo nula huaisen Martar Nl. Rohmingthangi hriat reng nán ‘ROHMINGTHANGI MEMORIAL SCHOOL’ tiin kum 1986-a din ṭan niin, vawiin thlengin rawngbâwl-na kal chhohpui mék zêl a ni. 2018 – 2019 *academic session* kal lai mékah hian zirlai 249 awmin, thawktu mi 16 awmte

hmangin rawngbâwl-na kalpui mék a ni.

Sikulah hian chawlh-kár khatah vawi thum (Thawhṭanni, Nilaini leh Zirtawpni)-ah Devotion neihpui ṭhîn an ni a. Nilaini bîkah hian Bible chang, Kohhranin Nilai Thupui kan zir tùra mi zêl zirpui ṭhîn an ni a, chu chu a remchan angin kohhran inkhâwmah an sawi rual ṭhîn a ni. Hei bâkah hian zirtirtute group thumah insiamin chawlh-kár tin, Ningani apiangin kan naupangte tlawhin kan chhuak ṭhîn a; kum tin ‘Gospel Week’ kan hmang ṭhîn bawk a ni.

2018 GOSPEL WEEK
CHU: Ruahman lâwk angin

2018 - 2019 Gospel Week
 hmang tùrin October 2018
 thla aṭangin kan inbuatsaih
 ṭan a. Staff Committee-in
 speaker tùr thlangin kan
 mi thlan chhuah chu sàwm
 ni se, kan ti a.

A m a h e r a w h c h u ,
 remchan zâwkna avângin
 zirtirtuten a inchhâwka thu
 sawi tùrin kan rêl leh ta
 zâwk a. Hemi hunah hian
 kum hmasaa kan tih angin,
*‘naupangte nèn maia
 hmang lovin, an nu leh pa
 te sàwm tel ni se’* tia kan
 rêl angin kan naupang nu
 leh pa te zawng zawng
 sàwmna lehkha kan pe
 chhuak vek a.

Chutih rualin, ni thum
 lai hun kan hman chhûnga
 ei leh in tùr leina tùr sum
 kan mamawh Office lam
 aṭanga kan dawn chuan ni
 khat emaw chauh min daih
 dâwn avângin Staff
 Committee chuan, *‘bituk
 aum lovin mahni remchan
 anga sum thawh ni se’* tiin
 kan rêl a. Bialtu Pastor,
 Rev. Zonunsangan min
 phûrpuiin sum pawh min
 rawn thawhpui ve nghâl
 bawk a, kan lâwm hle a ni.

Chu bâkah, Kohhran
 Committee-ah November ni
 khat aṭangin kohhran
‘Ṭawngṭai rual’ apianga
 thupui awm sa ni tùrin kan
 dîl bawk a. Tin, Mission
 Compound chhûngkua te
 leh kohhran mi, a
 remchâng apiang ten zan
 tin school tualah ṭawngṭai
 rualna kan nei ṭhîn bawk
 a. Tichuan kan nghahhlel
 leh er êm êm RTMS Gospel
 Week chu ni 21 –23 Nov.,
 2018 khân Pathian hruaina
 azârah tluang takin kan
 hmang thei ta a ni.

He kan Week hmang
 tùr hi kan phûr tlângin
 zirtirtu leh naupangte kan
 inbuatsaih nasa ve hle a.
 Sermon ṭanpui thei tùr
 zirtirtuten naupangte zir
 lâwkpuîin, sermon inkhâwm
 apiangin *special item*
 pahnih vêl tal naupangten
 an nei ziah bawk a ni. Kan
 naupang te leh kan sàwm
 nu leh pa ten thuchah ngun
 takin an ngaithla ṭha ṭhîn
 hle bawk a ni.

Class room chu Hall
 atân siam chawpin hun kan
 hmang ṭhîn a. A ṭan tirh ni
 aṭangin *hall*-a leng mang

lo khawpin kan *programme* min ngaihhlutsakin nu leh pa ten minrawn telpui a. Pathian hnathawh tih loh rual a ni lo, kan lâwm hle a ni. Amaherawhchu, *Hall* pangngai kan neih loh avângin eng eng emaw duhthusâm lo deuh te a awm a. He kan Gospel Week neih hun chauh hi ni lovin, kum tluanin *devotion* leh *programme* hrang hrang kan hman thînnâah harsat-na a bîk takin - *class room partition wall, furniture* leh *sound system*. etc.-ah te hian kan neih phah fo a ni. Theih ni se, hall pangngai tak neih a châkawm hle

A ni thum niah kan naupang kristian lote tân zirtirtuten a mal mala an lu chung a kut ngathin kan tawngtâisak vek a. Tichuan tawngtâina dawng zo apiang hall-ah lûtin Pathian fakian an zai a, hlim takin an lâm a. Zawh duh nei leh counselling mamawh inti apiangte chu zirtirtu dangin an kawm baw k a. Pathian Thlarau awmpuina a takin kan dawng a, hlim tak leh kham

lo takin Week kan hman zo ta a ni.

He kan Gospel Week hman hian Rajiv Nagar Kohhran boruak a tinuam hle. Ringlo naupangte pawhin vawiin thlengin inkhâwm an la phûrin nuam an la ti ve hle a ni. Biak In lamtualah hlim takin Pathian fakian, thuah thum tea inremin kan lâm mup mup thîn chu hmangaihtu Pathian pawh hian hmuhdawm tiin vâ a tângin hlim takin a lo thlir ve ngeiin a rinawm.

Baptisma chang duh in-report pawh an awm nual a; naupang la tê deuh te chu ngâh rih tûrin kan inti a. A lian chinte chu Kohhran Committee-ah an hming hriattir a ni a, an inah kalin an nu leh pa te an va kâwm a. ***Chutianga an nu leh paten baptisma chan an remtihsak nau-pang pasarihte chuan ni 13.1.2019 khân Bialtu Pastor, Rev. Zonunsanga kutah baptisma changin kraws kawng zawh tûrin an rawn pên***

chhuak ve ta a ni. Lalpa chu fakin awm rawh se!

Rajiv Nagar khua hi seng khâwm zawh a nih hma chu kan nu leh pa, Zoram Kohhrante hian tha thlah lovin mahni hmun ðheuhvah ðan la ila a duhawm hle. Nasa zâwka in

ṭawngṭaina rah a lo lan zêl nân bâng lova min ṭawngṭaipui zêl tùrin kan sáwmin kan ngen thar leh che u a ni.

“I ṭawngṭainate leh i thilpêk thute kha hriat reng tùrin Pathian hmaah a thleng chho ta a” (Tirh 10:4).

SYNOD DIALOGUE TEAM RAWNGBAWLNA

Vanlalrohlupuii
Synod Dialogue Team

Thu ziaak mi ni lo mah ila, Paula ṭawngkam takin, ‘Tihmâkmawh’ ka chungah a innghat miao si a. Synod Dialogue Team rawngbâwnain hma a sawn theihna tùra min ṭawngṭaipuitute leh thuràwn min pe ṭhìntute bâkah rawngbâwl na la hmélhriat ngai lote tân pawh kan han târ lang ni se.

He rawngbâwl hna hi kum eng emaw chen chawlhsan a nih tawh hnuin Synod-in kum 2010 khân Pu J.R. Hnunliana dahin bul a ðan thar leh ta a. A kum a telin rawngbâwnain hma a sawn ve zêl a, tùnah chuan *team member* 13 lai kan lo ni ta a ni.

Team ang taka kal chho a nih tâk avàng hian eng emaw thilah inhmélhriat

nána indintír te a lo ngai ve fo va. Chutiang hunah chuan, ‘*Vai changkang/Hnam changkang zínga thawktute*’ han tih hian mi beng a tithlep deuha hriatna avàngin Ramthar Board Committee Vawi 163-na chuan ‘**Dialogue Team**’ tiin a thlâk ta a ni (No. 30 of 25-26 October, 2018).

Synod Dialogue Team hi Synod-in *team* a neih

zinga pakhat anga kal ve a nih avângin Synod hnuaia Gospel Team te inrêlbâwl dân zûlzuia thawk tûra ruahman leh beisei kan ni. Hnam dang zinga rawngbâwl na a nih avâng erawh chuan Masihi Sangati Kendra, Bawngkawn enkawl na hnuaia kan awm a ni.

Synod Dialogue Team rawngbâwlnain a tum ber chu hnam dang, ringlo mi, ram chhúng leh State pawn aṭanga lo kal, khawsak ṭha deuh leh a bîk takin, leh-khathiamte Chanchin Ṭha hrilh a ni a. Bawngkawn Presbyterian Biak Inah Pathianni tlai dár 3:00-ah *Hindi service* neih ṭhin a ni a, a theih theih hruai ṭhin an ni. *English service*-a inkhâwm duh zâwk an awmin Synod Office bul, English Congregation, Mission Vengah kan kalpui ṭhin bawk. Tin, an inah inkhâwmpuiin, Pathian Thua inpâwl hona kan neihpui ṭhin bawk.

Kan ram a ṭhang a, State pawn aṭanga mi thiam

lo lût an pung zêl a. Hêng mite zawn chhuah te, Pathian Thu kan hrilh theih nána zanriah kîlpui te hi kan tih dân tlánglâwn deuh a ni a. *Gospel Tract* chhiar tûr te pein, an ina lehchilhin kan tì tipui ṭhin a ni.

Mizoram chhúng hnam dang lo chuangkai, Company lian leh tenau deuh te thawktu te, zirna in lian (Mizoram University leh a dangte)-a zirtirtu, zirlai leh thawktu dang te chu bitum deuh bîk an ni. World Bank Construction Company leh Industry, sumdáwng te leh Office lama thawkte nèn vaihma vek an ni.

Hêng mite hnèna rawngbâwlin, *Team* member-te hi Kohhran inkhâwm loh zàn apiangin kan feh chhuak ṭhin a. Kohhran leh Fellowship te nèn rem-cháng kan dap ho ṭhin a ni. Kár tinin kan rawngbâwl na chanchin hi Masihi Sangati Kendra, Bawngkawnah Nilani zing Devotion-ah *Team* dangte nèn kan report ho ṭhin.

Synod Dialogue Team rawngbàwlnaah hian *Team* dangte rawngbàwlna angin ringthar *report* tùr awm hluai thìn lo mah se, Mizoram ram páwn State tin hi Chanchin Thain he rawngbàwlna kal tlang hian a thleng, a tih theih hial àwm e. India ram pum hi kan Mission Field a ni ti ila, kan sawi sual àwm lo ve.

Ringthar baptisma chang hi mi 10 kan nei ve a, Pathian khawngaihna avàng liau liau a ni. Lalpa chu fakin awm rawh se! Sumdawnna lian tham taka an hotu, tuna Assam Mission Field-in an tangkaipui tak te, College lecturer te, Bank lama hotu Manipuri te, Central Service lam tuna CCF ni mék te, Star Cement Company-a thawktu te, Railway lama thawk te leh Bhubaneswar mi, Scientist te pawh an awm bawk a ni.

Hêng ringtharte hi Mizoram chhúnga chhawr zui leh hmuh zui tùr vâng mah se, an *room*-ah an ramah chhawr zui leh hman tangkai an ni chhunzawm

zêl niin a hriat a. Awm nghet lo an nih avàng erawh chuan ram chhúnga ah chhui zui tùr an vâng hle. Eng emawti áwng taka a hlawhtlin nán ringthar la awm mékte erawh Bible Study neihpuiin hun kan hmanpui thìn.

Hêng bâkah hian ringtu la ni lo, natna leh harsatna an tawh chángá tawngtai-sak tùra min beisei tlat te, naupai thei lovin nau an han pai ta mai te hian an nunah eng emawti kawng tal chuan nghawng a neiin a rinawm. Hêngte avàng hian rawngbàwlna hi Pathian zarah a hlawhtling viau niin a ngaih theih.

Rawngbàwlna hma-chhawpte pawh kan nei ve a. Veng hrang hranga hetiang mi thahorawn awm belhte zawn chhuaha, kohhrante nêna inráwn tlánga rawngbàwlna kalpui te, kan mi beih tùrte nêna inlaichinna tha kan neih theih nán programme hmanpui te, mumal taka *office, hotel, PG, Company, hostel*-a awmte dap chhuah vek tum a ni bawk. Kan

rama mi changkanghorawn
lût tawh phawt chu Gospel
tract/Bible hum hawtîr vek
hi kan hmachhawp a ni.

He rawngbàwl hna
thawhna kawngah hian
harsatna êm êm kan tâwk
lo, a tih theih àwm e.
Mizoram chhúng a nih
miau avàngin lâwm taka
min lo dawngsawng hi a tam
zâwk an ni (*An ram ni se,
an in chhúng pawh kan luh
phâk lohnate an ni si a*).
Amaherawhchu, lèn luh
theih lohna pawh a awm ve
nual mai.

Hêngah tak hian a ni,
in tel lo chuan he
rawngbàwlina hi a famkim
thei lo. In neitute u, in in
luah ringlo mite tâna
chhandamna kawng chu
kik hawn a nih theih nân
In neitu ngei khân in in
luahtute nèn min
inhmêlhriattîr òhìn ula, a va
hlâwk lehzuall dawn êm!

Ram danga Chanchin
Ṭha hrila chhuak thei lote
pawhin kan bul vêlah ni tin
ei bàr kan zawnna hmun –
office, sumdawnaa kan
thawhpui leh òthenawm
khawvengah kan thawh
mai theih tùrin Lalpan kan
hmaah min chhawpsak
reng asin. Hêng ringlo mite
hian '*Ka pi/ka pu/unau, i
nunah Isua hmuh kan duh,*'
tiin an au che a, an nghâk
reng che a nia.

He rawngbàwlina atân
hian i òawngtai wawi khat
chauh pawh kha kan
thlahlel tak meuh a ni.
Taksaa kan pên chhuak
thei lo a nih pawhin kan
òawngtaina hlu tak khân
Lalpa ram a zauh thei a ni
tih i hre thar ang u. An ram
kan thlen phâk lohnaa mite
hnêna Chanchin Ṭha hrilna
hun ṭha kan neih hi
òangkai taka kan hman
theih nân i òang i òang
sauh sauh ang u.



**Chanchin | ha thurûk huai taka puang tùra ka ká ka àna
thu sawitîra ka awm theih nân ka tán pawh mi dilsak
rawh u, chu mi kawngah chuan ka sawi tùr ang chu huai
taka ka sawi theihna tùrin, Chu mi Chanchin | ha palai
khaidiat bun ka ni (EPHESI 6:17-20).**

LALPA HNATHAWH A LANG

*Vanlalchhandama
Evangelist, Painiakumari*

Kohhranhote ṭawngṭaipuina azárah Siliguri Mission Field pawhin hma a sâwn ve zêl a. Buh neitu hnênah làwmthu i sawi ang u khai. Kum 2018 chhúngin Pathianin baptisma chang mi 200 lai mai min pe te hi Siliguri Mission Field tán chuan thu làwmawm a tling.

Kohhran hrang hrang leh Mission pawl hrang hrang ten Siliguri leh a chhehvêlah hian Lalpa tán kan bung suau suau mai a ni a. Hma sâwn a har viau laia heti zât baptisma chang kan nei hi kan va làwm êm! Vàn mite pawhin min lawmpui ngei ang. Kohhran miten thlah lova min ṭawngṭaipuina zâr liau liau a ni.

Siliguri Mission Field chhúnga Missionary Evangelist te hi mi 4/5-te a *group*-a inṭhenin thla tin hmun hrang hrangah kan feh chhuak ṭhìn a. Tin, Pastor bial tinten kan theih tâwkin feh chhuak rawngbàwlina pawh kan kalpui reng a ni. A cháng chuan riahna tùr mumal hmuh loh cháng te leh Pathian thu

hrilh tùr mumal hmuh loh cháng te kan nei fo mai.

Chutih rual erawh chuan Kohhranhote ṭawngṭaina hi kan chakna a ni fo ṭhìn. Kum 2018 May thla khân Hatiadanga biala Pu Lalramzauva te *group* chuan Biak In awm lohna khaw thar an hmu chhuak hlauh mai a. Biala thawktuten theih tâwp chhuahin rawngbàwlina kan nei mawlh mawlh a.

Pathian hnathawh lo langin, baptisma chang kan nei chho ta mai a! Mite thinlunga thusawi ṭhintu chuan Bhairivitta khaw mite thinlungah hna a thawk chho zêl a. Kum khat êm pawh a nih hmamain Baptisma chang mi 65 lai mai kan nei ta reng mai!

Kawt zawlahte rawngbàwl na neiin *film show* te nèn kan bei chho va. Naupang lem inziahsiaak te neiin a enkawltu tùra ruat, Pu Anil Oraon pawhin a thlawnin naupangte a zirtir (*free tuition*) bawk a, hlate zirtirin òawngòaita pawh zirtir chhoh zèl an ni a. Hla eng emaw zât chu tui takin an sa thei tawh a. òawngòai thei leh inkhâwm a chanvo nei thei pawh kan nei ta nual mai. Kan rawngbàwl na tlâwm tak Lalpan mal a sâwm hi kan lâwm hle mai.

Tûnah hian polythene in Biak In kan khâwr ve a, phûr takin Kohhranhoten Lalpa an chawimawi mék a ni. Rinna nghet zâwk leh chak zâwk an neih zèl theih nân Kohhranhoten i òawng-

òai pui ang u khai. He khuaa rawngbàwl na bul kan òan phat àtanga a kûl ataia min puitu Pu Bijay-a hi Roman Catholic mi leh sa nghet tak a ni tlat nia! Pathian hian a Kohhran òin tùrin hmanrua hi a lo va ngah tehlul êm! Lalpan ropuina chang mawlh rawh se.

Siliguri Mission Field chuan kum 2019 hian ringthar baptisma chang mi 230 nei tùrin target a siam leh mék a. Bial hrang hrang parukah ringthar neih òân tùrte insem rual lehin kan theih ang angin kan bung leh ta suau suau mai le! January thla chhúngin mi 17 baptisma chang an awm tawh a. Lalpan ropuina chang se. òawngòaina nèn i awmhmuna min lo pui zèl dawn nia aw.

Kum 1965 kumah khan French Ukil pakhat, André-Francois Raffray-a chuan an khaw pitar pakhat, Jeanne Louise Calment-i In lianpui mai chu leisak a tum a, inremna an siam a. Chu an inremnaah chuan '*André-a chuan Jeanne-i chu thla tin Dollar 500 a pe ang a, Jeanne-i a thih veleh a In chu a rochung ngghâl ang'* tih a ni a. Chutih lai chuan André-a chu kum 47 mi a ni a, Jeanne-i chu kum 90 lai a ni tawh thung.

Mahse Jeanne-i chu kum 32 zet a la dam zui a, amah André-a zawk chu kum 30 dam zuiin kum 77 mi niin a thi ta hlauh a! A nupui leh a fate chuan André-a thih hnu-ah pawh kum hnih lai (*Jeanne-i kum 122 a niha, a thih thlengin*) an intiamna ang khan pawisa an pêk chhunzawm ta ngawt mai a ni. Amah André-a phei chuan chu In nuam leh ropui tak chu a luah ve hman ta lo!

RAMTHAR FEH

1.

1. **Field hming** : Arunachal & Assam Mission Field 'E'
2. **Khua** : New Khamlang
3. **Tlawh hun** : Ni 17 Oct. – 7 Nov., 2018
4. **Tlawhtu** : Chite Veng Kohhran
5. **Kal zât** : Mipa – 11; Hmeichhia: 2
6. **Tlawh chhan** : Hnathawh
7. **Hnathawh** : Sikul building (20x30 ft) sak
8. **Senso zât** : ₹ 64,955/-

9. Làwmawm lam: Upa F. Khuallunan fuihna leh ãawngtâina te a neih zawhin ni 17 October chawhnu dâr 2:00-ah chhuakin ni 18 chawhnu lamah Guwahati kan thleng a. Mission Compound-a thawktuten zanriah min lo siamsak bâkah kan kal lehna tùr zawng zawng min lo tihfelsak a. Zân dâr 7:15-ah chhuak lehin ni 19 chawhma dâr 10:30-ah New Khamlang kan thleng a. Tùkthuan ei kham ațangin hna kan ãan nghâl a. Kohhran hruaituten Pathian Biak Inkhâwmah thu sawina hun remchâng min siamsak a. Duhsakna kan dawng nasa a – ei sen loh khawp chaw eia sâwmna kan dawng te khân ringtu nih a va han tinuam êm! Kan chàm chhúngin harsatna nei lovin tuang takin hna kan thawk thei a, kan lâwm hle.

10. Report tûl dang: Work Camp kal hmasaka kan tih hman tâk loh, rilru kaptu lian tak thawk leh thei tùra Pathianin hun remchâng min siamsak hi kan lâwm êm êm a ni. Kohhranhote thawh hona ãha tak leh thawktute inpêkzia kan hmuh te hian làwmna tam tak min pe a. Field Secretary, Rev. Lalrinthara leh Bialtu Pastor-ten a hmunah kan hnathawhna hmunah vawi eng emaw zât minrawn tlawh mai bâkah Miao lama thawktuten ni thum chhúng zet minrawn pui baw. Tichuan, tuang taka hna thawkin ni 5 Nov., 2018-ah New Khamlang chhuahsanin ni 7 chawhma dâr 11:00 vêlah tuang takin kan veng kan thleng leh a ni.

Zothansiam, Ramthar Ziaktu

2.

- 1. Field hming** : Barak Area
- 2. Khua** : Winchester Boarding School
- 3. Tlawh hun** : Ni 30 Oct. – 1 Nov., 2018
- 4. Tlawhtu** : Ramhlun N Kohhran Pavalai Pawl
- 5. Kal zât** : Mipa – 27
- 6. Tlawh chhan** : Hnathawh
- 7. Hnathawh** : Kuhva hmun sàm
- 8. Senso zât** : ₹ 54,060.00

9. Làwmawm lam: Work Camp kan kal dáwn lai vêl hian khua a chhiat nasat êm avàngin rilru a mangangin, kan buai hle mai a. Pathian thiltihtheihna hmachhuanin khaw tha kan dîl a. Khaw nuam lo chung a kan feh chhuak chu kan hnathawh chhúng zawngin harsatna tâwk miah lovin Pathianin min kaihrui a. Kan hnathawh tùr te tluang taka kan thawk zo thei ta mai hi kan làwm hle a ni. Headmaster Pu Lalrinawma leh thawktuten phûr taka min lo dawn sawnaah leh min lo buaipuinaah làwmthu kan sawi mawlh mawlh bawk a ni. Kan haw dáwn zànah member-te inthenin Tlangpui Kohhran leh Kahrawt Kohhranah kan inkhâwm a ni.

10. Report tùl dang: A tàwp berah chuan kan hun hman chhúng rei lo hle mah se rin tlâk Pathian leh innghahna tlâk Pathian a nihzia Chiang takin min hmuhtirtu kan Pathian chungah làwmthu kan sawi báng thei lo.

R. Vanlalṭana, Kohhran Pavalai Pawl Ziaktu

3.

- 1. Field hming** : Home Mission North
- 2. Khua** : Thaidawr
- 3. Tlawh hun** : Ni 12-20 Nov., 2018
- 4. Tlawhtu** : Bethlehem Venglai North Kohhran
- 5. Kal zât** : Mipa – 12; Hmeichhia – 3
- 6. Tlawh chhan** : Hnathawh
- 7. Hnathawh** : Missionary qtrs (24x15 feet) sak
- 8. Senso zât** : ₹ 64,800.00

9. Làwmawm lam: Ni 12 (Thawhtanni) tûkah Upa V. Thangchhanlianawm tawngtawm min thlah a. Pathian hruainawm zân dâr 6:40-ah Thaidawr khua chu kan thleng a. Kohhran mite leh thawktuten tha takin min lo dawngsawng a. Zanniah tuihnai tak min lo buatsaihsak bawk a, a làwmawm kan ti hle. Ni 12 zing takah thovin hna kan tan nghâl a. Thahnem kan ngai tlâng bawk a, khaw ên chhúng zawng kan thawk a ni ber mai. Chutiang chuan ni tin kan thawk thin a ni. Hnathawkhote kan inlungual a, missionary-te nèn pawh inpawh takin hun kan hmang ho va. Zân lamah Pathian fakin kan zai ho thin a, kan hlim tlâng thin hle. Pathian venna leh awmpuina kan chang a, tu mah inhliam ná leh buaipui ngai awm lovin hna kan thawk thei a, a làwmawm hle.

10. Làwmawm lo lam: Khaw kár kawng a chhe hle a. Motor hman tùr a vâng bawk a, a awmchhun pawh hman man a to hle. Hei hian thawktute tán harsatna a thlen fo thin.

11. Report tûl dang: Thaidawr khua hi In 200 vêl niin, Pastor thuthmun a ni a. Presbyterian Kohhran pahni a awm a, missionary 13 an awm bawk. He khuuaa chêng zawng zawng zaa sawmruk hi Kristian an ni. Kohhran dang. Bru Baptist Church (BBC) leh Roman Catholic te an awm ve bawk. Kan missionary-te inpêkna a ropui hle. Pathian ram zauhna tùra thahnem an ngaihzia te, tih tak zeta an rawngbawl na han hmuh leh han hriat hian rilru a khawihin an fakawm tak zet a ni. Kan chàm chhúng hian inpawh takin rawng kan bawl ho va. Keini hnathawka kalten tum thum lai Pathian Biak Inkhawmah thusawina hun kan chang a, kan vânni hle. Thaidawr khuuaa chêng zawng zawngte Kristian an nih vek theihna tùr leh missionary zawng zawngten chakna thar an neih zêl theih nân kan tawngtawnaah i hre reng ang u.

C. Lalhmangaihzuala, Ramthar Ziaktu

4.**1. Field hming:** Arunachal & Assam Mission Field West**2. Khua** : Sikari**3. Tlawh hun** : Ni 13-20 Nov., 2018**4. Tlawhtu** : Madanrtng Kohhran**5. Kal zât** : Mipa – 25; Hmeichhia – 6**6. Tlawh chhan** : Hnathawh**7. Hnathawh** : Biak In sak**8. Senso zât** : ₹ 1,43,300.00

9. Làwmawm lam: Ni 13 (Thawhlehi) zingah Kohhran aiawh Upa Challianchhingan tawngtaina a hman zawh hnuin Biak In atangin 7:00-ah kan chhuak a. Tluang taka kalin zân dâr 11:30-ah Laimekuri kan thleng a. Laimekuri Jubilee School Headmaster leh a thawhpuiten zanriah min lo siamsak a, an inah min lo thleng darh hlawm bawk a. A tûkah kan hnathawhna hmun tûr, Sikari panin kan chhuak leh a. Sikari-ah hian thawktute leh kohhranho lo buatsaih, bûkah a then riakin, Biak In hluiah leh kohhran mite inah mi thenkhat an riak bawk a. Sikari Biak In hi a ruângam siam tawh a ni a. Chu chu a theih ang anga chhonzawmin hna kan tan nghâl a. Rîm takin kan thawk tlâng a, Biak In tukverh vuah kim loh tih mai loh chu luah theiha peih a ni.

10. Report tûl dang: Pathianniah Silapathar Bialtu Pstor remruatnain kohhran hrang hrang paliah thu sawina hun kan hmang a. Tin, kan hnathawh chhúng hian Field Secretary leh Bialtu Pastor ten min rawn tlawhin, hna min thawhpui bawrh bawrh thin a. Laimekuri Jubilee School-a thawktu te, Evangelist te leh Medical lama thawktu te pawhin an hun neih ang angah min pui thin bawk. An chungah hian kan lâwm hle a ni. Kan sawi hmaih hauh loh tûr chu – Siga Rukmini Kohhranin *pulpit* an nei lo tih kan hmuhin, remchâng insiamin kan siamsak nghâl bawk. A tâwp berah chuan min hruaitu Lalpa Pathian chungah làwmthu kan sawi a ni.

R.C. Rualkhuma, Ramthar Ziaktu

6.

- 1. Field hming** : Barak Area
- 2. Khua** : Manikbond
- 3. Tlawh hun** : Ni 15-20 Nov., 2018
- 4. Tlawhtu** : Chanmari West Koh. Pavalai Pawl
- 5. Kal zât** : Mipa – 19; Hmeichhia – 2
- 6. Tlawh chhan** : Hnathawh
- 7. Hnathawh** : Missionary quarters (24x18 ft) sak
- 8. Senso zât** : ₹ 72,060.00

9. Làwmawm lam: Ni 15 (Ningani) zing dâr 6:20-ah Biak In kawt ațanga chhuakin tluang takin Manikbond chu zân dâr 8:20-ah kan thleng a. Rev. Vanlalliana Sonset, Bialtu Pastor leh kohhran miten quarters sak lai kawtah min lo hmuak a. Missionary thawk lai, Pi Lalnunhluni leh kohhran miten zanriah min lo buatsaihsak chu hlim takin kan kîl ho. Zing dâr 6:00 ațanga hna thawk ținin khaw ên chhúng zawng kan thawk a, chutiang chuan ni li chhúng kan thawk a; a ținl dân azirin zânah thawh chhunzawm a ni ținin bawk. Inchhun siam, a chung rangva chih, ceiling siam, tukverh frame leh kawngkapui vuah, a bang rawng hnawih, bathroom bang plaster, kawngkhar vuah leh varanda PCC-a zût màm te kan zo hman a ni. Ni 20 zing dâr 6:00-ah Manikbond Khawpui Veng ațangin Bialtu Pastor-in ținwngțaiin min thlah a. Quarters sak thar kawtah thla lain Manikbond kan chhuahtsan a. Tluang takin tlai dâr 3:15-ah Chanmari West Biak In kawt kan thleng leh a ni.

10. Report ținl dang: Kan hnathawh hun chhúng hian tu mahin hliam leh buaipui ngaia ná nei lovin kan thawk tluan thei a. Kohhran mi leh missionary-te chhúngkuain ținahnemngai taka min ținawîwm ținin chu làwmawm kan ti hle. Pathian venna leh hruaina kan chang niin kan hria, Pathian hnênah làwmthu kan sawi a ni.

Vanlalvuana, Ramthar Ziaktu

7.

- 1. Field hming** : Assam Mission Field
2. Khua : Tezpur
3. Tlawh hun : Ni 22 – 29 Nov., 2018
4. Tlawhtu : Lengpui Kohhran
5. Kal zât : Mipa – 22; Hmeichhia - 1
6. Tlawh chhan : Hnathawh
7. Hnathawh : Pastor Quarters thar pindan leh compound hungna siam; Godown tûr Brick rem leh Quarters bula raw hung lian zet, hling nei fur ðhiah
8. Senso zât : ₹ 1,70,000/-
9. Làwmawm lam: Tezpur Pastor biala Work Camp hmasa ber kan ni a, làwmawm kan ti a. Kan Work Camp chhúngin Field Secretary-in min rawn tlawh a, kan hawn lamah Guwahati-ah min lo mikhual bawk. Tezpur-a Mizo sipai awmten thingpui bàwlhlo leh chawhmeh tûr ár min rawn pe bawk a, kan lâwm hle. Tezpur Pastor leh thawktu dangten min ngaihsak a; hna pawh kan thawk tláng bawrh bawrh a, an chungah pawh kan lâwm hle.

10. Làwmawm lo lam: Kan Bus hman driver-te an la kal ðhan loh avàngin kal lam leh haw lamah kawng min bopui zeuh tih loh chu thil làwmawm loh lam kan tawng lo va, kan lâwm hle a ni.

11. Report ðûl dang: Kan Work Camp chhúng hian kan Kohhran Lengpui aṭanga Missionary Pu Zothanpuia Hrahseleh thawhna, Karbi Anglong Field chhúng, Rongmongve Kohhran Biak In atán ðhutthlengseleh panga kan siamsak bawk a. Anni awmna hi Tezpur aṭanga Km 80 vèla hla a ni a. Ni 28.11.2018 (Pathianni)-ah pawh chawhma leh chawhnuah thu sawina hun min pe a, kan Pastor P.C. Lalrinchhuanga leh kan Kohhran Ziaktu Upa F. Lalnunthara ten thu an va sawi nghe nghe. Tezpur hmunah hian kan Upa Zairemmawian thu a sawi thung.

Upa F. Lalnunthara, Lengpui Kohhran Ziaktu

8.

- 1. Field hming** : Barak Area
2. Khua : Rampur leh Baromoni
3. Tlawh hun : Ni 12 – 15 Dec., 2018
4. Tlawhtu : Luangmual Vengthlang Kohhran
5. Kal zât : Mipa – 13; Hmeichhia - 5
6. Tlawh chhan : Gospel Crusade leh Bible sem
7. Senso zât : ₹ 81,740/-

9. Làwmawm lam: Ni 12 (Nilaini) zing dár 8:15-ah Kohhran Ziaktu, Upa Lalrammawia Ngente-in tawngtaiin min thlah a. Ramthar Comt. O.B - Upa Lalbiaksanga Ralte, Upa R. Lalliana, Pu Huanzauva, Pu Romankima leh T. Upa Lalthangmawia ten min ho thei a, a thlamuanthlâk hle. Tuang taka kalin kan innghahna tùr, Kabuganj Mission Compound chu tlai dár 3:00-ah kan thleng a. Thawktuten thingpui leh a hmeh tui tak nèn min lo dawngsawng a, a làwmawm hle. Zanriah tuihnai tak min lo buatsaihsak chu hlim takin kan kíl ho bawk a ni.

10. Report tûl dang: Baromoni leh a chhehvêlah Meitei leh Bengali Bible semin, zànah Rampur khuaah Gospel Crusade kan nei thìn a. Rampur-ah hian thawktute pawh an lo awm tawh thìn a. Kum 15 vêl chhúng chu Pathian thu rêng rêng sawi leh lâk luh phal lohna khua a lo ni tawh thìn a ni. Rampur khaw chhúng kawngpui ațanga 20 metre vêlah Leilet zâwlah *pandal* an lo zâr a. A țan zàn ațangin *sound system* ring țha tâwk hmangin zai thiam leh lam thiam ten mi an híp khâwm thìn. Kan *speaker*, Rev. Benoy Kumar Singh-an țhahnem a ngai hle. Zai thiam leh lam thiam ten a thu sawi kâr lakah hun an hmang thìn bawk. Mipuiin an hlut hle. Pathian hruaina avâng liau liauvin harsatna tâwk lovin kan crusade kan hmang zo thei a ni. Hmun hrang hrang ațangin thawktuten min țawiâwm reng a, kan lâwm hle. Ni 15 zing dár 6:30-ah Kabuganj chhuahsanin, tuang takin tlai dár 3:40-ah Aizawl kan lo thleng leh a ni.

Parthansanga, Ramthar Ziaktu

9.

- 1. Field hming** : Home Mission South
- 2. Khua** : Kawrthindeng
- 3. Tlawh hun** : Ni 16 – 19 Dec., 2018
- 4. Tlawhtu** : Lungchhuan Kohhran
- 5. Kal zât** : Mipa – 7; Hmeichhia - 3
- 6. Tlawh chhan** : Hnathawh
- 7. Hnathawh** : Biak In hungna siam that
- 8. Senso zât** : ₹ 22,000.00

9. Làwmawm lam: Ni 16 (Ningani) zing dâr 4:30-ah Ramthar Fin. Secy., Pu Ngurthuman tawngtaiin min thlah a. Ramthar Chairman, Upa R. Lalnunmawia hovin tluang taka kalin tlai dâr 6:30-ah Kawrthindeng kan lût a. Headmaster hovin, thawktute leh Kohhran Upaten min lo hmuak a ni. Kawrthindengah hian kan kohhran atanga missionary-a chhuak Nl. T.C. Lalrinsangi a thawk ve nghe nghe a ni. Thawktute leh kohhranhote min lo ngaihsakna leh dawnawnaah làwmthu kan sawi a ni. Ni 17-a hna thawk tùr kan inngaih laiin sikul lamin proramme an lo duan sa avàngin ni 18 zing kâr atanga thawkin, hemi ni hian kan zo nghâl a ni.

10. Report tûl dang: Thawktute leh kohhran mipuite inpêkna a nasa hle. Hmun hla tak min hruai thlengtu leh a hmuna kan hnathawhnaa harsatna awm lova min hruaitu, Pathian chungah leh min tawngtaisaktu, Kohhranhote chungah làwmthu kan sawi tak meuh a ni.

Lalfamkima, Ramthar Ziaktu

10.

- 1. Field hming** : Home Mission North
- 2. Khua** : Tuipuibari Pastor Bial
- 3. Tlawh hun** : Ni 22 – 27 Dec., 2018
- 4. Tlawhtu** : Ramhlun Venglai Kohhran
- 5. Kal zât** : Mipa – 7; Hmeichhia: 1
- 6. Tlawh chhan** : Krismas hmanpui

7. Senso zât : ₹ 1,04,311/-

8. Làwmawm lam: Ni 22 zing dár 6:33-ah Biak In kawt atangin Upa Laldingiana Sailo, Ramthar Chairman hovin kan kal a. Tlai lam dár 5:00 vèlah Tuipuibari kan thleng a. Pastor Zonunsanga hovin min lo hmuak a, kan hlim tlang hle. Hmun khawhara awm, kan missionary-te leh ringtute nèn Krismas kan hmang ho thei a, kan hlim hle. Tuipuibari Biala kohhran pasarih zinga panga kan tlawh hman a, an hnènah Krismas thilpêk kan pe a. A dawngtute leh a petute kan lâwm êm êm zêl a, kan hlim hle. Lal Isua vanga kohhranho hminga feh chhuak kan awm hi kohhranho tán tawngtai thupui kan ni a. In lama awmte nèn lungtual takin Pathian kan au ho va, Pathian pawhin kan tawngtaina a chhang ngei niin kan hria a, kan lâwm hle. Kohhranhoten min duhsak a, thusawina hun tum 13 zet min pe a - Upa Laldingiana Sailo, Tv. Zorinpuia leh Pu Lalrimawia ten hun an hmang a ni. Pathianin an thu sawi te mal a sâwm hle niin kan hria a, kan lâwm hle. Berâmpute ang khân Pathian chawimawi leh fak chung zêlin kan haw leh thei a ni. Lalpa chu fakín awm rawh se.

10. Làwmawm lo lam: Kawng a t̄hat tâwk loh avàngin Bial chhúng kohhran pahnih kan tlawh thei ta lo va, a pawí kan ti hle.

11. Report t̄ul dang: Tuipuibari Bial chhúnga thawktuten t̄hahnem ang ngaiin thlarauvah leh tisa lamah an thawk rîm êm êm a, an hah hle. An inpêkna a ropui hle. Lalpan missionary-te rawngbâwlina malsâwm zêl rawh se. Ramthar hmuna Krismas hmanpui a hlâwk êm êm a, kohhranhoten uar deuh deuh ila, a t̄ha ang.

H. Lalrindika, Ramthar Ziaktu

I NGAIHTUAH NGAI EM?

Chanchin T̄ha hi a mamawhtu nia kan ngaihte hian
mamawh an lo inti lo fo.

2019 CHHUNG ATAN CHANCHINBU LÂKSAK TUTE*(January 2019 thlenga dawn)*

S/N	HMING	COPY	AMOUNT
1	Chanmari Kohhran, Aizawl	372	22,320
2	Mission Veng Kohhran	345	20,700
3	Tuikhuahtlang Kohhran	328	19,680
4	Chanmari West Kohhran	281	16,860
5	New Capital Complex Kohhran	253	15,180
6	Khatla East Kohhran	207	12,420
7	Dawrpui Koh Ramthar Comt	125	12,300
8	Model Veng Kohhran, Aizawl	138	8,280
9	Tlangnuam Koh RT Comt	80	4,800
10	Laipuitlang Koh RT Comt	75	4,500
11	Dinthar V/thlang Koh RT Comt	70	4,200
12	Champhai Bethel Kohhran	50	3,000
13	Thakthing Kohhran	50	3,000
14	Thingsulthliah Koh RT Comt	40	2,400
15	Thingdawl Kawnveng Koh RT Comt	40	2,400
16	Seling Kohhran RT Comt	25	1,500
17	Tlangnuam West Kohhran	25	1,500
18	Melriat Kohhran RT Comt	20	1,200
19	Ramhlun Sport Complex Koh	20	1,200
20	Serchhip Bethel Kohhran	19	1,140
21	Lengpui Kohhran	15	900
22	Pu Lal Thansanga, Zarkawt	15	900
23	Pu Liansailova, Tuikual	15	900
24	Jubili Kohhran	11	660
25	Pu H Zakunga, Republic Veng	10	600
26	Bungtlang Pastor Bial KTP	10	600
27	Pu Lalsawmliana, Khawrihnim	10	600
28	Pu Robert Vanlalvena, Khawrihnim	10	600
29	Khawrihnim Kohhran	10	600
30	Pu Lalhualhima, Ramhlun N	10	600
31	Pu Zonunsanga, College Veng, Aizawl	6	300
32	Rev TC Lalhlanzova, Zonuam	5	300
33	Ramhlun Vengchhak Kohhran	1	60

[Kan va lâwm thìn êm! - Editor]

SMB RINGTHAR 2019

Sl. No	Field	January
1	Arunachal East	16
2	Arunachal North	36
3	Arunachal West	1
4	Assam	11
5	Barak	23
6	Delhi	3
7	Home Mission North	
8	Home Mission South	
9	Jharkhand	48
10	Karbi Anglong	14
11	Calcutta	
12	Lucknow	15
13	Masihl Sangati	84
14	Nepal	5
15	Odisha	28
16	Patna	7
17	Siliguri	17
18	Tripura	149
TOTAL		457



**Marpara thawktute leh thalai member-te
New Sachanah Bial KṬP Conference
hmang tṭurin an kal**

Postal Regn. No MZR/46/2018-2020

RNI Regn. No. 40889/88

SYNOD MISSION BOARD MISSIONARY THAR 86-TE (2019)



If not delivered please return to:
The Manager
Ramthar Chanchinbu
Synod Office, Aizawl, Mizoram,
India. Pin - 796001

To

**Published by Rev. C. Zorammawia and Printed at the Synod Press, Aizawl on
behalf of Ramthar Association, Aizawl, Mizoram. Copies- 34,800**